

միւս նորագոյն գրողներէ՝ Մաքսիմ Գորկու և Լ. Անդրէ-  
կի հետ: Ի պատիւ Կօրօլենկօի յուլիսի 14 ին Պ. Բուրգու  
տեղի է ունեցել մի մեծ հացկերոյթ, ուր ներկայ են եղել աւե-  
լի քան 450 հոգի: Հացկերոյթը պարտաստուած էր 12 պար-  
բերական հրատարակութիւնների նախաձեռնութեամբ և մաս-  
նակցում էին ուսւս նոր գրականութեան լաւագոյն ներկայա-  
ցուցիչներ, խմբագիրներ, պրօֆէսսորներ, բանաստեղծներ, գրա-  
գէտներ և այլն: Հանդէսի ժամանակ կարդացուել են բազմա-  
թիւ ուղերձներ, որոնց մէջ նաև Պ. Բուրգի համալսարանի ուսա-  
նողներէց, Մոսկուայի 1250 ուսանողներէց, Մոսկուայի դպրո-  
ցական 850 սաներից և բազմաթիւ խմբագրութիւններից, հաս-  
տատութիւններից, խմբերից և անձերից և վերջապէս հրէայ  
ուսանողներից:

Երկու ժողովրդական գրողների հրատարակութիւնները  
տպուած են ուսուներէն բազմաթիւ տպագրութիւններով, իսկ  
նոցա գեղեցիկ վէպերից ու պատկերներից շատերը թարգմա-  
նուած են հայերէն և մեծ մասամբ տպուած Վլադայի»  
էջերում:

### ՏՆՍՏԻՆ ԲԺՉԿԱՐԱՆԻ ԵՐԿՐՈՐԴ ՀԱՏՈՐԸ

Այս օրերս լոյս տեսաւ բժշկապետ Գ. Բաբեանի խմբագ-  
րութեամբ հրատարակուող բժշկարանի երկրորդ ստուար հա-  
տորը՝ Գիւտ ա. քաւ. Աղանեանի և պ. Իսահակ Յարութիւնեան-  
ցի թարգմանութեամբ:

Այդ հատորը պարունակում է իւր մէջ վարակիչ, ներքին,  
կաշուի և վնասարային հիւանդութիւնները, տնային դեղաբան և  
բժշկական բառարան: Գրքին կցուած է մալեարիան տարածող  
մոծակի զանազան ձևերի նկարը:

### ԷՆՖԻՄԱՃԵՆՏԻ ԳՐԶԱԳԻՐՆԵՐԸ ՎԱՃԱՌՈՒՄԸ

Մասնաւոր հայ անհատներին պատկանող ձեռագիր ժող-  
ովածուներից ամենահարուստը պ. Աւետիք Էնֆիմանցիինն  
է, որ յիսուն երկար տարիներ գրավաճառի խանութ ունենա-  
լով Թիֆլիսում՝ միջոց է ունեցել հետգհետէ ի մի ժողովել  
իւր ձեռքն անցած հայ գրչագիրները: Շատ հայ և նոյն իսկ  
եւրոպացի բանասէրներ ծանօթ են այդ թանկագին հաւաքա-  
ծոյքին:

Որքան մեզ յայտնի է, այդ ձեռագիրները գնել ցանկա-  
նում էին բազմաթիւ հայ հաստատութիւններ և մասնաւոր  
մարդիկ: Սակայն, ինչպէս այժմ հաղորդում են մեզ ամենա-  
հաստատ աղբիւրներից պր. Ֆինկը ամսոյս 4 ին հաղորդել է  
իրան Էնֆիմանցիին, որ Տիւբլինգէնի համալսարանի մա-